



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

74 Idem, quod supra num: 51.

urn:nbn:de:hbz:466:1-10316

- Nam dicebat noli flere, *Luc. cap. 7. &c.* mulieribus ad Calvariam montem Domini ipsum jam jam moriturum comitibus Filiae Hierusalem nolite, inquit, flere super me, *Luc. c. 22.*
- 70 Mors animae † potius deflenda, quam corporis, quæ miserè moritur ob peccatum commissum, quo nihil turpius, nil tristius, nil magis metuendum reperiri potest *Carp. Paleot. ibidem exempl. 4.* ita, ut etiam corporalis mortis causa extiterit, dicente Apostolo, per unum hominem peccatum intravit in mundum, & per peccatum mors *ad Rom. cap. 5.* ad quod, & illud facit Biantis Philosophi, qui, † rogatus, quod genus mortis malum esset, quod, inquit, legibus est constitutum, sentiens, eam mortem malam esse, & delendam, quam delictis turpiter, & ignominiosè promeruimus, & debitum lictori, ac carnifici præstamus officium, & illorum mortem esse deplorandam, qui ob malefacta dant penas, *ad. Paul. Manut. in Apophteg. in Socrate lib. 3, num. 53,* cui optimæ conferunt, quæ scripsit Macrob, *in som. Scip. capit. 13,* ant. fin. lib. 1, quæ omnia intelliguntur de excessu in morte defunctorum.
- 72 Laudabilis verò mos † ubi est, ut corpora defunctorum ante humationem laventur non est improbadus, & cum morem fuisse in Gallijs refert S. Gregorius Turonensis *in lib. de gloss. confess. cap. 73. 104.* &c., hodie nedum improbatur, sed † comendatur præcipue in humatione cadaverum Episcoporum, quorum corpora à cubicularijs ipsorum defunctorum aqua calida cum vino, & herbis odoriferis sunt lavanda, & mundanda, & si ita hæredibus videbitur, pos-
- 74 sunt etiam aperiri, & aromatibus conditi, quo casu eorum intestina statim in ecclesia debent sepeliri, ut in *Cerem. lib. 2, cap. 38,* §, convocet.
- 75 Maxima enim cura adhibebatur † in defunctorum corporibus sepeliendis, quoniam ungebantur, & myrra, & aromatibus condiebantur, ut testatur S. Gregorius Papa *in cant. anno lib. 4, cap. 32,* Genes. cap. 5, & plures citat Malon. in opere de sacr. *Synd. cap. 1, sub num. 14.* & in ecclesijs occidentalibus, quæ fieri solita essent in urgundis, & vestiendis defunctorum corporibus, explicat Pruden. Hymno sequente.
- Hinc maxima cura sepulcris,
Impenditur, hinc resolutos
Honor ultimus accipit artus,
Et funeris ambitus ornat
Candore nitentia clara
Prætendere linteum est,
Aspersaque myrra Sabao
Corpus medicamine servat,
Quidnam sibi saxa cavata
Quid pulchra volunt monumenta,
Res quod nisi creditur illis
Non mortua, sed data somno.
- 76 Extrubabant etiam veteres † magnifica sepulcra, ut testatur S. Io. Chrysost. *in humil. 79,* *in Ioan. cap. 17,* & hoc est notissimum fere in omnibus mundi partibus, & præcipue in Urbe Romana, in qua, etiam modernis temporibus construuntur. Antiquis enim temporibus sepeliebantur cadavera † extra civitatem, ut plurimum ecclesia extra civitates, & oppida edificantur, ut etiam hodie per totam Italiam pluribus in locis conspicere potest, & corpora mortuorum in civitatibus tumulari prohibitum erat

Gggg

de

